



**Broj predmeta:** 02-000049/20  
**Broj akta:** 01.1-1141SM-280/20  
**Datum,** 27.5.2020. godine  
**Mjesto,** Brčko

Na osnovu člana 16. i člana 17. Zakona o Vladi Brčko distrikta Bosne i Hercegovine („Službeni glasnik Brčko distrikta BiH“, broj: 22/18 – prečišćeni tekst, 49/18, 8/19, 10/19 i 32/19) i Odluke o imenovanju Štaba za zaštitu i spašavanje Brčko distrikta BiH, broj predmeta: 02-000049/20, broj akta: 01.11-0566LO-006/20 od 13. 3. 2020. godine, broj akta: 01.11-0566LO-012/20 od 13. 3. 2020. godine i broj akta: 01.11-0566LO-020/20 od 16. 3. 2020. godine, a u skladu s članom 18. tačkom o), članom 19. tačkom a), članovima 35. i 37. stavom (1) Zakona o zaštiti i spašavanju ljudi i materijalnih dobara od prirodnih i drugih nesreća u Brčko distriktu Bosne i Hercegovine („Službeni glasnik Brčko distrikta BiH“, broj: 29/16 i 33/16), Odlukom o proglašenju stanja prirodne nesreće zbog COVID-19 (korona virus), broj predmeta: 43-000096/20, broj akta: 01.1-1141SM-001/20 od 13. 3. 2020. godine, u vezi s Odlukom o proglašenju ugroženosti stanovnika Brčko distrikta BiH od epidemije zarazne bolesti – korona virusa (COVID-19), broj predmeta: 02-000049/20, broj akta: 01.11-0566LO-001/20 od 11. 3. 2020. godine i broj akta: 01.11-0566LO-003/20 od 12. 3. 2020. godine, članovima 5. i 6. Poslovnika o načinu rada i rukovođenju Štabom za zaštitu i spašavanje Brčko distrikta BiH, broj predmeta: 02-000057/20, broj akta: 01.11-0566LO-004/20 od 20. 3. 2020. godine i broj akta: 01.11-1161DS-010/20 od 23. 4. 2020. godine, na prijedlog Odjeljenja za zdravstvo i ostale usluge od 27. 5. 2020. godine, nakon održane telefonske sjednice Štaba, komandant Štaba, gradonačelnik Brčko distrikta BiH dana 27. 5. 2020. godine i z d a j e

## **N A R E D B U**

### **Član 1.**

Ovom naredbom donose se epidemiološke preporuke za rad lunaparka tokom trajanja pandemije korona virusa (COVID-19).

### **Član 2.**

Prije početka rada lunaparka neophodno je sve sadržaje dezinfikovati.

### **Član 3.**

Preporučuje se da sadržaji lunaparka budu popunjeni do 50% od punog kapaciteta tako da posjetioci sjede na svakom drugom sjedištu.

### **Član 4.**

Na ulazu u prostor lunaparka neophodno je postaviti jasne i vidljive poruke u vezi s ličnom zaštitnom opremom i načinom postupanja u njemu.

### **Član 5.**

- (1) Ispred ulaza u lunapark staviti dez-barijeru.
- (2) Osigurati dozatore sa sredstvom za dezinfekciju ruku na bazi 70% alkohola na ulazu i pored svakog zabavnog sadržaja.

### **Član 6.**

- (1) Obavezno je nošenje maski i rukavica za zaposlene.
- (2) Na blagajnama postaviti zaštitnu barijeru (pleksiglas) između blagajnika i posjetilaca.

### **Član 7.**

Ograničiti broj posjetilaca tako da na 10 m<sup>2</sup> bude 1 posjetilac ili ukoliko je posjetilac mlađi od 12 godina jedan posjetilac i jedan pratilac.

### **Član 8.**

Preporučuje se držati socijalnu distancu od 2 m i da posjetioci ulaze jedan po jedan, a na taj način i izlaze.

### **Član 9.**

Neophodno je što češće dezinfikovati sve sadržaje, a obavezna je dezinfekcija svih sadržaja na kraju radnog vremena.

### **Član 10.**

Ova naredba stupa na snagu danom donošenja, a objavit će se u „Službenom glasniku Brčko distrikta BiH“.

#### **DOSTAVITI:**

1. Uredu gradonačelnika
2. Zamjeniku gradonačelnika
3. Glavnom koordinatoru Vlade Brčko distrikta BiH
4. Svim odjeljenjima Vlade (12x)
5. Sekretarijatu Vlade (3x)
6. Odjeljenju za zdravstvo i ostale usluge  
– Pododjeljenju za javno zdravstvo
7. Uredu za upravljanje javnom imovinom Brčko distrikta BiH
8. Uredu gradonačelnika / Inspektorat
9. Policiji Brčko distrikta BiH
10. Članovima Štaba (34x)
11. Ministarstvu sigurnosti BiH, terenski centar Brčko  
- Služba za rad sa strancima, Trg mladih br. 8
12. Ministarstvu sigurnosti BiH – Granična policija BiH
13. Institucijama Brčko distrikta BiH (8x)
14. Crvenom krstu/križu Brčko distrikta BiH
15. Javnim preduzećima, fondovima i Zavodu (7x)
16. „Službenom glasniku Brčko distrikta BiH“
17. Arhivi.

**GRADONAČELNIK**

Mr. sc. Siniša Milić